

ЭРДЭНЭ РЕСУРС БАЯН ХӨНДИЙ АЛТНЫ ТӨСЛИЙН ХҮРЭЭНД БАЯНХОНГОР АЙМАГТАЙ ХАМТЫН АЖИЛЛАГААНЫ ГЭРЭЭНД ГАРЫН ҮСЭГ ЗУРЛАА

Хэвлэлийн мэдээ
Нова Скошиа муж, Халифакс хот
2021.08.05

Эрдэнэ Ресурс Девелопмент Корпораци (TSX: ERD | MSE: ERDN) (“Эрдэнэ Ресурс” эсвэл “Компани”) нь Хөндий Алтны Дүүрэгт өөрийн 100% эзэмшлийн Баян Хөндий Алтны Төсөл болон бусад хайгуул, ашиглалтын тусгай зөвшөөрлийн талбай орших Баянхонгор аймгийн засаг захиргааны байгууллагатай хамтын ажиллагааны гэрээ (“ХАГ”)-г байгуулж, баталгаажуулсныг танилцуулахад таатай байна.

Тодруулга

Эрдэнэ Ресурсийн ерөнхийлөгч, гүйцэтгэх захирал Петер Акерли хэлэхдээ “Орон нутгийн хамтын ажиллагааны гэрээг баталгаажуулсан нь Баян Хөндий төслийн хувьд чухал алхам боллоо. Бид арав гаруй жил ажилласан энэхүү бүс нутгийн оролцогч талууддаа үр өгөөжийг бий болгох нөхцөл бүрдэж байгаад баяртай байгаагийн сацуу нутгийн удирдлагатай урт хугацаанд хамтран ажиллаж, харилцан ашигтай харилцааг бий болгоно гэдэгтээ итгэлтэй байна.”

Баянхонгор аймгийн засаг даргын тодруулга

Засаг дарга Д.Мөнхсайхан хэлэхдээ: “Бид Эрдэнэ Ресурс Девелопмент Корпорацитай Баян Хөндий алтны төслийн хүрээнд хамтран ажиллах цогц гэрээг байгуулж байгаадаа баяртай байна. Эрдэнэ Ресурс бол өнгөрсөн арав гаруй жилийн турш Баянхонгор аймагт хариуцлагатай үйл ажиллагаа хэрэгжүүлж, орон нутгийн оролцогч талуудтай эерэг харилцаа үүсгэж чадсан компани. Баян Хөндий алтны төсөл нь шинэ ажлын байр бий болгохоос эхлэн олон эерэг нөлөөллийг орон нутгийн иргэдэд үзүүлнэ. Бид төслийг дэмжиж ажиллах болно.”

Гэрээний голлох нөхцөлүүд

- Эрдэнэ Ресурс нь тусгай зөвшөөрлийн болон төсөл хөгжүүлэлтийн бусад үед шаттай уялдуулан орон нутагт хөрөнгө оруулж, олборлолтын үе шатанд жил бүр тогтвортой хөрөнгө оруулалт хийх
- Компани болон орон нутгийн иргэдийн төлөөллөөс бүрдсэн төрийн бус байгууллагаар дамжуулан орон нутгийн хөрөнгө оруулалтыг удирдах
- Орон нутгийн худалдан авалт, ажил эрхлэлт болон дадлагажуулалтыг дэмжин ажиллах

Орон нутгийн хамтын ажиллагаа, олон нийтийн оролцоо

Эрдэнэ Ресурс нь 2021 оны 6-р сард олон нийтийн хэлэлцүүлгийг хийж гүйцэтгэсэн бөгөөд орон нутгийн иргэдийн хурлаар Баян Хөндий Алтны Төслийн хөгжүүлэлтийн төлөвлөгөөг албан ёсоор танилцуулсан. Уулзалтаар орон нутгийн иргэдэд Төслийн тухай мэдээлэл авах, асуулт асууж, санал хүсэлтээ илэрхийлэх боломж олгосон. Дээрх багийн иргэдийн нийтийн хурлаар хурлыг удридагчид иргэдийн дунд санал асуулга авснаас иргэдийн дийлэнх нь Төсөл хөгжүүлэлтийг дэмжсэн санал өгсөн юм. Уулзалт нь Компанийн орон нутгийн иргэдтэй харилцах, мэдээлэл түгээх, санал авах тогтсон үйл ажиллагааны нэг хэсэг бөгөөд оролцогч талуудын эрх ашиг болон Компанийн үйл ажиллагааны ёс зүйн салшгүй хэсэг юм.

2020 оны 6-р сард Эрдэнэ Ресурс нь хараат бус Байгаль орчин, нийгмийн нөлөөллийн үнэлгээ (“БОННУ”)–г Компанийн стратегийн хөрөнгө оруулагч Европын Сэргээн Босголт, Хөгжлийн Банк-аас тавигддаг Гүйцэтгэлийн Шаардлагын дагуу Sustainability East Asia ХХК, Ramboll Australia Pty Ltd болон Эко Трейд ХХК-ууд хамтран боловсруулсан. БОННУ нь орон нутгийн иргэдтэй хийсэн хэлэлцүүлгийн хүрээнд нөлөөллийн хамрах хүрээ, нөлөөллийн үнэлгээ, нөлөөллийг бууруулах арга хэмжээг боловсруулах болон хуримтлагдсан нөлөөллийн үнэлгээ зэрэг дөрвөн үе шат бүхий цогц үйл явцыг тодорхойлсон. Эрдэнэ Ресурс нь Баян Хөндий Алтны Төслийг салбарын тэргүүлэх туршлагын дагуу хөгжүүлж ашиглахад чиглэн, БОННУ-ний удирдлагын төлөвлөгөөнд нөлөөллөөс зайлсхийх, бууруулах төлөвлөгөөг багтаасан.

БОННУ-ний тайлан болон техникийн бус тайлантай компанийн вебсайтаас танилцах боломжтой.

БОННУ тайлан (Англи): https://bit.ly/Khundii_Gold_Project_ESIA

Техникийн бус хураангуй (Англи): https://bit.ly/Khundii_Gold_Project_ESIA_Non-Technical_Summary

БОННУ тайлан (Монгол): https://bit.ly/Khundii_Gold_Project_ESIA_mon

Техникийн бус хураангуй (Монгол): https://bit.ly/Khundii_Gold_Project_ESIA_Non-Technical_Summary_Mon

Үүнтэй зэрэгцэн, Монгол Улсын хуулийн хүрээнд Байгаль орчинд нөлөөлөх байдлын нарийвчилсан үнэлгээг Эко Трейд ХХК стандартын дагуу боловсруулсан. Орон нутгийн иргэдийн санал хүсэлтийг тусгасан олон нийтийн хэлэлцүүлгийн дараа буюу 2021 оны 3-р улиралд Компани нь БОННУ-г Монгол Улсын Байгаль Орчин, Аялал Жуулчлалын Яаманд танилцуулж, батлуулахаар төлөвлөсөн.

Хөндий Алтны Дүүргийн тухай

Эрдэнэ Ресурсийн ордууд нь дэлхийн томоохон алт, алт-зэсийн ордуудыг агуулагч Төв Азийн Орогены бүсэд багтдаг Эдрэнгийн терреинд байрладаг. Эрдэнэ Ресурс

нь Монгол Улсын баруун өмнөд хэсэгт 10 гаруй жил хайгуул судалгааг хийн, өдгөө Хөндий алтны дүүргийг нээн илрүүлсэн. Хөндий алтны дүүрэг нь өндөр агуулга бүхий алт, полиметаллын хэд хэдэн хэтийн төлөвт талбайг хамардгаас Баян Хөндий, Алтан Нар ордуудыг ашиглалтын шатанд хүртэл хөгжүүлэхээр зорьж байна. Эдгээр ордуудыг хамтад нь Хөндий Алтны Төсөл (“Төсөл”) хэмээн нэрлэдэг. Компани нь түүнээс гадна Хөндий Алтны Дүүргийн зүүн зүгт 30 км-т өөрийн 100% эзэмшлийн Хөвийн Хар тусгай зөвшөөрлийн талбайд томоохон Зуун Мод молибден-зэсийн орд болон хэд хэдэн зэс ба молибденийн порфирийн хэтийн төлөв бүхий бүсүүдийг хөгжүүлж байна.

Баян Хөндийд 3.16 г/т дундаж алтны агуулга бүхий 521,000 унц баттай болон бодитой геологийн нөөц¹ (“Measured and Indicated Resources”)², 3.68 г/т алтны агуулга бүхий 103,000 унц боломжит нөөц (“Inferred Resources”) тодорхойлогдсон. Баттай болон Бодитой нөөцөд 3.7г/т алтны агуулга бүхий 409,000 унц батлагдсан болон магадалсан үйлдвэрлэлийн нөөц (“Proven and Probable Reserve”) багтдаг. (Хэвлэлийн мэдээтэй эндээс танилцана уу) Баттай болон бодитой нөөц, боломжит нөөцийг нэмэгдүүлж, үйлдвэрлэлийн нөөцөд шилжүүлэх боломжтой.

2020 оны 7-р сард Эрдэнэ Ресурс нь Баян Хөндий Алтны Төслийн хараат бус нарийвчилсан ТЭЗҮ-ийн үр дүнг танилцуулсан. (Хэвлэлийн мэдээтэй эндээс танилцана уу) Нарийвчилсан ТЭЗҮ-ийн суурь үзүүлэлтээр татварын дараах өнөөгийн цэвэр үнэ цэн (5% хорогдуулалт бүхий) (NPV5%) \$100 сая ам.доллар ба дотоод өгөөжийн түвшин (IRR) 42% тооцоологдсон. Баян Хөндийн нарийвчилсан ТЭЗҮ нь 0-7 жилийн хугацаанд 3.71 г/т алтны дундаж агуулга бүхий, жилд 63,500 унц алт олборлохоор тооцоолсон бөгөөд уламжлалт нүүрстэй уусгах технологиор боловсруулахаар төлөвлөсөн. Төслийн төлөвлөгөөгөөр олборлолтыг 2023 онд эхлүүлнэ.

Эрдэнэ Ресурсийн тухай

Эрдэнэ Ресурс Девелопмент Корпораци нь Монгол Улсад суурь болон үнэт металлын хайгуул, төсөл хөгжүүлэлтийн үйл ажиллагаа эрхэлдэг Канад Улсад бүртгэлтэй хайгуулын компани. Компани нь Монгол Улсын баруун урд бүсэд 2 хайгуулын, 3 ашиглалтын тусгай зөвшөөрлийг эзэмшдэг бөгөөд эдгээр хайгуулын бүсэд хийсэн судалгааны үр дүнд Хөндий Алтны Дүүргийг нээн илрүүлсэн. Эрдэнэ Ресурс Девелопмент Корпораци нь Торонто болон Монголын хөрөнгийн биржүүд дээр бүртгэлтэй. Компанийн тухай дэлгэрэнгүй мэдээлэлтэй Компанийн вебсайт www.erdene.com -оос танилцах боломжтой. Компанийн талаарх чухал мэдээллүүд нь зөвхөн Компанийн вебсайтаар дамжин хүрдэг тул хөрөнгө оруулагчид вебсайтаар дамжуулан бодит мэдээлэл авахыг зөвлөж байна.

¹ Хөндий алтны төслийн эрдсийн нөөцийн дэлгэрэнгүй мэдээлэлтэй 2019 оны 12 сарын 4-нд SEDAR-т байршуулсан Тетра Текийн боловсруулсан NI 43- 101 техникийн тайлангаас танилцана уу.

² Баттай ба бодит геологийн нөөц: 3.77 г/т алтны агуулга бүхий 171,000 унц баттай нөөц, 2.93 г/т алтны агуулга бүхий 349,700 унц бодит нөөц

Урьдчилсан таамаглал

Зарим мэдээллүүд нь Үнэт цаасны хуулийн хүрээнд урьдчилсан таамаглалуудыг агуулсан болохыг үүгээр мэдэгдэж байна. Урьдчилсан таамаглал нь урьд болж байсан болон ирээдүйд болох бодит баримт биш ба зөвхөн ирээдүйн төлөвлөгөө, стратеги, төсөл, нөхцөл байдалд тулгуурласан үзэл баримтлал, магадлал болон таамаглал болно. Энэхүү таамаглалууд нь тодорхой үндэслэлд тулгуурласан боловч баталгаа биш юм. Компанийн үйл ажиллагаа нь олон хүчин зүйлээс шалтгаалах бөгөөд зарим хүчин зүйлс нь Компанийн хяналтаас давсан байх магадлалтай ирээдүйд учирч болох хүчин зүйлс юм. Материаллаг өөрчлөлт үзүүлэх боломжтой хүчин зүйлсэд эрдсийн зах зээлийн үнэ, хайгуулын үр дүнгүүд, бизнесийн болон зах зээлийн орчин, эдийн засгийн байдал болон санхүүжилт, хөрөнгө босголт зэрэг орно. Дээр дурдсан мэдээллүүд нь ирээдүйд өөрчлөгдөн хувирах магадлалтай. Компани нь Үнэт цаасны хуульд өөрөөр заагаагүй тохиолдолд Урьдчилсан таамаглалыг өөрчлөн, шинэчлэх үүрэг хүлээхгүй.

ЭНЭХҮҮ МЭДЭЭЛЛИЙГ ОЛОН НИЙТЭД ТАНИЛЦУУЛАХАД ЯМАРВАА НЭГЭН ЗАСАГ ЗАХИРГААНЫ БАЙГУУЛЛАГА ЗӨВШӨӨРСӨН, ҮЛ ЗӨВШӨӨРСӨН МЭДЭГДЭЛ ХИЙГЭЭГҮЙ.

Холбоо барих:

Петер К. Акерли, Ерөнхийлөгч болон гүйцэтгэх захирал
Роберт Женкинс, Санхүү хариуцсан захирал

Утас: (902) 423-6419

И-мэйл: info@erdene.com

Twitter: <https://twitter.com/ErdeneRes>

Facebook: <https://www.facebook.com/ErdeneResource>

LinkedIn: <https://www.linkedin.com/company/erdene-resource-development-corp/>